

刻練齋陳先生小集序



練齋小集者集練齋之少者也



陳翁沛沛字伯華少有大志

習舉子身進遊成均身善純

三知文場情態日事之不可以致

力者為為之也遂放浪脫迹形

辭寄情水石每于時之所遭事之
所值人之以交地之所寓可以感祝
咏題之而其慕祝慕君之念則尤
倦然不忘爲什之百善亦志
之未遂言不能釋然者也己未中
拜鴻臚丞二年在告一年己戌

帙緝紳士大夫多老至之余曰可
以刻矣鍊籍曰詩難言也臣宋与
二惟陶淵明殆有古意再允臣王
吾岑弟諸君則已神游一極杜
少陵卓越中興言宋言元寧
莫与儒繼志始先學以孤竊效

有子聞真尚未克覩萬一其刻
余曰刻死以樹友也特以紀閱慮耳
古人動必載筆硯畫卷詩筒經
一得無不錄以備未考則乞刻也毋
亦未考之備之遺意歟况又先君
揮酒製此精妙稿迥出人表可與

以登背不及收拾為恨則是刻也又范
正未考之備已乎歟之子若孫姑係焉
之後之欲知君者乎乞刻有子其
之性情行事庶亦可以觀其槩矣
若夫君之復固不在乞故曰集錄
銘之小者云

嘉禧癸亥仲夏上澣之吉文學
峰人鍾所書于初東草堂

一肱所



練谿小集卷之一

漫藁

三阿陳師儉伯華著

村行即事

旻徑欺羸馬寒林咽亂蟬竹橋三尺水茅
屋幾家烟雲薄荒村外天低落照邊秋成
香稻熟處處是豐年

虛受亭坐月

小亭臨沼上倚檻坐來觀月色浮空白秋

聲入夜寒溶溶煥牛斗漾漾動波瀾漏永
絕人跡花踈影自團

大覺寺次楊正郎韻

眼底紛紛亂鵲鴉為尋幽賞到僧家長蘿
挂壁空壇靜脩竹緣山曲徑賒偈沒斷碑
生石薺經傳妙躅雨天花老禪不解管甲
子百衲短袍忘歲華

山莊晚眺

衰草寒烟一望賒短墻茅屋幾人家西風

滿地飛殘葉落日空山起暮霞蕭索敗荷
欹淺水橫斜征鴈下平沙村居老叟心無
事酒熟雞肥樂歲華

有懷

庭臯下風葉籬落吐霜花愁逐輕寒起美
人天一涯

秋日晚行次柳北淮韻

楓林下丹葉野菊吐黃花秋氣摧芳草山
光澹暮霞小橋橫碧水枯木坐寒鴉日落

燕歌遠風高鴈陣斜疎鍾來古寺新火自
漁家閒眺歸來晚行行村徑賒

水竹居書事用杜韻

年來無事愛琴書半畝園林搆此居萬竹
瀟森坐啼鳥一池清澈見遊魚興來携酒
臨花酌醉去忘情與世疎更喜讀餘塵慮
息菜畦新雨自耘鋤

芙蓉

西風衰謝冷蓮池獨有芙蓉逞艷姿把酒

相看坐終日歸來不覺月明時

對菊次周後谿韻

不趁芳妍近小春東籬粧點歲華新幽香
暗度如供醉佳色相看似故人冷蕊疎枝
堅晚節青樽綠酒對吾真淵明自昔多珍
重三逕歸來事已塵

遠心亭獨酌對菊

地偏白日靜山近綠陰生簷外雲垂幕堦
前菊吐英題詩懷杜老把酒愛淵明秋來

此佳景獨對暢高情

竹窓

種竹當窓幾箇疎開窓對竹愛心虛綠陰
半畝紅塵隔畫靜牙籤理道書

風雨道中

初冬連日雨客思轉淒然風冷衣還薄泥
深馬不前霏霏半成雪凜凜欲掀天行路
難如此歸來常自憐

同鍾文峰楨菴弟夜酌得誰字

閒庭開小宴高會罄吾私皎皎寒蟾滿厭
厭良夜遲論文圖報國把酒幸清時共此
天倫樂相知更有誰

維揚觀音寺夜坐

客子夜獨坐所思天一隅撫鬚敲短句擁
膝對寒爐霜月烏聲咽松風鶴唳孤僧房
多寂寞樽酒強為娛

送王進士二山北上

天上親承雨露餘淮南又去使君車分襟

未忍還醜酒濟世應知是讀書新柳青青
禹驛路愁雲漠漠鎖鄉閭此行願作商家
傳莫遣蒼生望久虛

雨中種菊

東風釀輕雨處處長青苔尋菊綠山轉呼
童滿地栽得秋金萼吐送酒白衣來擬俟
東籬樂高歌醉幾回

雨中寫懷

春風作惡連朝雨故故鳴簷送我愁懸却

賞心開霽後莫教春已去難留

傷春有懷

春來未行樂春事已將闌院落輕烟鎖雲
山望眼瞬寂寥風雨後蕭瑟杏花殘地遠
經年別愁多強自寬

落花

過眼飛花正倚欄無端風雨弄輕寒東君
不是長情客不忍愁看却醉看

喜晴

一春苦風雨三月始晴和楊柳鶯初至庭
臺蕪未多賞心渾欲醉花事恐將過從此
酬佳節當樽發浩歌

牡丹

庭前木芍藥朶朶放高枝短幕香風滿芳
春白晝遲錦囊真可愛綠葉更相宜醉舞
斜陽下忻然不自知

遊琅琊山寺

遍遊滁下景身世入蓬萊野鳥對人語山

花遶徑開方亭青石上古寺白雲隈一飲
如泥醉長歌踏月回

桂

添送三秋景色佳傾尊坐對夕陽斜自分
月底清竒種何羨春山富貴花

九日

九日黃花滿石籬高人呼酒坐吟詩自甘
地僻紅塵遠始信心閒白晝遲佳節不妨
遊衍樂清朝未許 聖明知長天不盡登

高興細雨斜風晚更吹

九月十日遊大覺寺

重陽風雨未登山十日禪林始一攀古木
陰森朱檻外層樓掩映白雲間山花勸酒
醒復醉野鳥留人去又還清興不須妨日
暮月明猶自可盤桓

白下秋夜

寂寞清宵獨舉盃停盃撥悶步蒼苔閒庭
月色更將盡何處砧聲風送來天外孤鴻
無信度籬邊寒菊已花開故園不盡歸來
思搔首長吟自幾回

送人之河南

春日草初碧臨岐送遠人時經膏雨後共
折柳條新繾綣一樽酒迢迢萬里塵相思
重回首雲樹各傷神

春日宴水竹居

春日園林好方亭動小筵桃花紅間竹楊
柳綠含烟醉濯池邊水行歌物外天瀛洲

應有夢清興且悠然

閒居

獨抱金石心幽棲半畝地不聞車馬喧
酷愛山水麗世泰復何憂日高猶自寐
雨餘草色柔風軟花香細萬物皆有光
三春已無際池荷漸可觀籬菊開相繼
奔雪保孤貞高情良可寄窓前一炷香
默玩叅同契

贈明上人

石林廢已久石榻尚脩真野岸隨溪轉山

禽傍客馴是非元不染清淨總無塵斷
碣期重立雲華逐日新

種竹

編籬種竹一朝成好雨時過新葉生
莫謂踈枝無宿鳳春風直節自峻崢

自題小像

三十年来志莫伸行藏無計與誰論
且耽風月舒佳興不信詩書悞此身
流水高山三弄曲角巾短褐一閒人
因循只恐成衰

老欲察形容繪小真

道中酷暑

長途行復止席地坐林邊
葉底新蟬噪籬間野蝶翻
火雲升渤海熾日正中天
安得北窓下清風一枕眠

次韻荅汝建弟

酒醒忽聞鴈離思不勝秋
玉液誰開甕香菴獨把甌
西風蓬髮短寒露石亭幽
排悶池山上斜陽下海洲

秋日獨坐讀柳詩

園林景蕭瑟獨坐掩重門
日落鳥啼樹風輕竹拂軒
悲秋傷宋玉佳句羨宗元
相對黃昏月幽懷誰與論

桂

空庭落落意閒閒天上分
來傍石闌露洗瓊姿新
葉濕風傳金粟異香寒
高秋點綴供佳興此日
徘徊得靜觀簾捲池山
上月重傾尊酒有餘歡

毒

暢月純陰生一陽階前毒吐淡鶯黃乾坤
清氣無雙品冰玉芳姿有異香憶昔事傳
和靖句如今人學壽陽粧縷金裳畔松醪
泛清世高人醉草堂

期人南還

垂簾間獨坐連日憶江門雨後途泥濘風
狂浪雪翻香消渾不寐花發自無言擬俟
新開甕傾尊共細論

山房夜坐

夜久山房靜高人獨坐時清風戛脩竹白
月印方池雅調琴音古殘編道趣宜倦來
仍易燭句句寫新詩

盆荷

曲檻踈簾外亭亭翠蓋從花明印淺水香
遠得輕風外直體本有中虛用自通一樽
清賞處濂洛趣應同

挽張表伯西野

六十餘年樂道耕一朝跨鶴入瑤京堂前
綵服虛稱壽沙上群鷗忍背盟綠酒春風
辜舊席青燈夜雨照新旌生平高行猶鄉
黨幾對西郊自愴情

中秋

秋半銀盤出碧霄雲間星彩望遙遙露凝
竹葉杯中泛風細天香席上飄勝賞兩間
當此際清光千里共今宵登樓嘯傲追庾
亮高致于今入咏嘲

晚香徑

風葉蕭蕭下園林節序更繁枝綠石逕密
蓋吐金英霜露朝來重芬芳分外清無花
香此日獨爾合題名

對雪

園爐把酒敵寒威簾軸間看六出奇柳絮
因風飛遠近冰花帶雨舞參差老農喜得
豐年兆對客難吟禁字詩萬里同雲當早
霽長安貧者日增飢

冬至二首

冬至群陰伏玄機不易知天根終動處陽
氣欲生時世道關吾道嗟詩得邵詩梅花
窓下坐消息報南枝

隆冬陰已極夜半轉鴻鈞元氣因時復寒
奔到眼新氣氤知有變恍惚與誰論此際
好光景庖羲卦象真

觀梅書感

靈根帶雪發新晴玉骨冰肌迥出塵昨夜

蛾眉庚上月山房坐對一枝春

汝建次六合約予渡江夜坐有懷

坐久箭聲遲玉漏夜深烟縷靜金爐寒燄
對榻燈花老霜月侵門鴈影孤萬里青山
頻入夢一樽綠酒強為娛明朝小艇滄江
渡應共琴書上 帝都

曉行

客子出門去霜風破酒顏腰橫長劍壯心
戀舞衣斑殘月西峰上慈烏亂樹間荒郊

猶積雪行路苦多艱

崇邑阻雪諸友款洽通宵

行人何濡滯朔雪滿山川呈瑞飛千里為
豐兆一年留連應盡醉歌舞况當筵長夜
燒紅燭多娛亦偶然

同汝達渡江

輕帆下急湍風正得心安短句舒高興清
樽破曉寒魚龍潛石窟鴻鴈度江干李郭
當年事今朝談笑間

西園十景

平山倒影

一抹橫青不動移夕陽倒影卧清池間來
坐對心同靜月白風清夜更宜

曲洞生香

怪石參差小洞開洞門花木手親栽幽深
自喜春常在盡日無風香暗來

清池印月

池水深深月影團碧琉璃內浴金丸清光

徹夜寒相映為足詩人靜裏觀

虛閣臨花

虛簷小閣倚山隈紅紫芬芳次第開雨濕
雲蒸春意足凭闌滿目錦成堆

苔石忘機

枕流磯石路縈迴風雨年深長綠苔塵慮
不關人跡少相知時有白鷗來

茅亭挹翠

萬竹林中一草亭亭開面面翠圍屏紅塵

不到清陰滿六逸當年眼獨醒

菊逕清風

秋深寒菊滿開花濃淡相兼色色佳三徑
愧非陶靖節清風高品重詩家

竹窓晴日

幾竿脩竹小窓幽曉日曛曛清影浮晴色
可人間讀易春風玉束莫教稠

石臺楊柳

清陰密結細垂絲臺上閒亭午日遲坐久

好風常自至絕勝北牖熟眠時

精舍芭蕉

種得庭前鳳尾高硯池風動綠陰搖題詩
賸有橫渠思一葉纔舒又一苗

人日言懷

七日坐間庭清風為掃門梅花香玉樹栢
葉倒金樽勝節題詩句幽懷憶 聖恩瑞
雲來捧日和氣滿乾坤

春雪

雲籠曉日春雪滿山家初變柳飛絮欲
開梅勒花餘寒增短褐醒渴點香茶小閣
閒凭遍長安一望遮

雨中有懷

黑雲連日暗山村獨倚層樓欲斷魂花勒
春寒間院落盡綠風雨閉柴門綿綿膏澤
農應悅愜愜窮愁誰與論況是賞花時節
近憶鞭陽石縱晴溫

久雨元夕少霽人意爽然

靈雨連朝密遊人失意多晚天忽開霽燈
市始高歌冷月籠雲霧香風來綺羅清時
尋樂事佳節肯虛過

瑞香花

爽豁新晴淑氣和瑞香枝茂朶應多葉含
露意裁青玉花吐霞標簇紫羅風細庭前
香猶旣日高階下影婆娑初春獨先諸花
發把酒相看為爾歌

幽棲

幽棲地僻門常閉世事參差我自知鴉鵲
紛紛閒閭噪鷗鳧片片靜相隨春風桃李
多嬌態秋水芙蓉別樣姿出處榮枯皆有
定打乖終日漫吟詩

待月軒獨酌

空庭寂寂小窓開窓下閒吟獨舉杯莫日
背沉天欲暝屏花稍白月初來晚涼聊酌
程翁興對影難追李白才最愛夜深明似
晝幾回歸去復徘徊

七夕次章南江韻

浙浙天風吹綺羅暫停機杼渡銀河好將
此夕歡娛處莫忘當年別思多

霽遊南園

新晴結伴過南莊淑氣催人又挈觴雨足
眼前花事盛風輕塵外馬蹄香沙邊白鷺
群飛下石上蒼松百尺長我欲頻來發清
興田中應恤野夫忙

琴臺

石臺深處隔紅塵流水高山趣亦真清夜
偶來彈一曲嗟風猿鶴是知音

碁臺

局傍松筠已有年碁分黑白數周天如今
悟破安危着不在藏機與得先

暑夜

暑氣蒸人思不安絲桐何處奏孤鸞也知
深夜愁無寐月滿空庭獨倚欄

山水行贈人遷居

此地有山水山高水亦縈水深尺餘許處
處亂蛙鳴山無松與竹時見荆棘生嘆此
山共水與世何不情有鳳亦不宿名山投
古木儲化鯉駭居悠悠從大涿素志一朝
伸寸心千里目噫吁唏我羨此鳳并此鯉
有知有覺不居此名山大涿自相宜際會
風雲變化時清世 聖明應着意未聞滄
海有珠遺

閨情四首

每遇良宵恨倍生重門深閉坐長更花香
暗度風初軟簾影踈橫月半明卦象漫推
仍再卜歸期細數已渝盟明朝欲寄春衣
去和淚燈前取次縫

殘花落盡綠成陰兩兩鳴禽坐石林夢覺
晝長神思亂意縈人遠別愁深綉牀塵滿
閒描筆寶鴨香消冷素琴院落重門幾行
淚關山萬里百年心

萬里晴空月正圓曲闌遍倚未成眠白駒

歲月為誰惜綠髮情懷多自憐惆悵清宵
人去遠羈縻短劄鴈無緣也知愁裏形憔悴
曉鏡羞看冷翠鈿
一樹梅花鵲亂喧開窓時有暗香傳隴頭
漫說無消息歲晏寧知又變遷朔雪冷迷
邊塞路夜衾溫費鑄金烟不堪簾外天風
急獨坐黃昏共黯然

白下別方文二君之中都二首

江浦離歌酒漫傾江流混作斷腸聲濠梁
此去各南北千里相思共月明
扁舟曉發石城西回首浮雲望欲迷別酒
醒時無限思夕陽江路草萋萋

浦城夜坐懷金陵諸友

山城擊柝罷深院已昏黃短榻心千里美
人天一方嗟詩懷舊社對月坐新涼梧葉
下金井臨風增感傷

道經滁陽

道經形勝地眼界望中新松檜叅雲漢亭

臺枕路津昔遊載樽酒此日苦風塵感慨
浮生意奔馳愧葆真

過清流鋪

清流聲斷續怪石路崎嶇極目關山上浮
雲四望俱

中都七夕

雙神今夕渡銀河此際能添客思多一會
又成經歲別迢迢良夜欲如何

龍興寺書事

奔走去鄉國飄飄海上萍老僧開小宴孤
客坐危亭萬木啼黃鳥千山列翠屏遣愁
應賴酒拚醉莫教醒

又

小閣西風獨立時蕭條誰識宋生悲關河
忽送鳴秋鴈徙倚難成遣興詩入定高僧
心自靜遠來遊客影相隨匆匆歲月驚虛
度悵望東南有所思

月下同鉉上人小酌

小院黃昏後
亭亭月在天
開樽思故國
對景惜流年
千里今宵共
三生此際緣
徘徊更已盡
貪看未成眠

中秋用去年十七夜韻寄文峰

中秋對月圓
皓彩共誰憐
異國緣無賴
孤吟苦不眠
遙知行樂處
得意醉芳筵
感慨身為客
交游憶去年

十七夜對月

去年今夜月
今夜去年身
感慨對樽酒
慙

勤憶故人

寫懷二首

秋來久客住僧家
每日山頭聽暮笳
落木蕭蕭動遙憶
園林開過紫薇花
每自登樓每憶家
西風明月送悲笳
何人不起歸來思
黃菊籬邊欲放花

雨夜述懷

風雨蕭蕭旅夢驚
深山萬木動秋聲
追思往日鄉園事
併作淒其此夜情

憶家

閒來小閣一躋攀去鴈歸鴉落照間遙憶
鄉關何處是碧天秋水共漫漫

盱眙道中即事

馮高四望山連水水色山光到眼明杉檜
崑頭千樹合帆樯天際一風輕村村社鼓
占年事處處歌聲報晚晴景物鮮新人意
爽歸途長愛馬嘶鳴

同汝建遊牛首山弘覺寺

清樽載酒一登山山上樓臺霄漢間風細
草花香綺旒日遲槐柳鳥間關幾竿青玉
宜鐫句萬丈丹崖可試攀倦息欲尋禪榻
憇高僧留燭待餘歡

弘覺寺禪堂塔影

寺之禪堂面塔閉戶則影倒懸于
內非緣日月之光蓋勝跡也

浮屠突兀青霄上寶鐸金輪帶赤欄危影
倒懸禪室裏人間千古此奇觀

捨身臺

萬丈危臺倚碧巔，攀緣石磴上青天。
懶融去後惟遺跡，此日何人更講玄。

遊幽棲寺獻花巖

昨宵牛首宿，今日祖堂留。
勝地多奇跡，高人得縱遊。
江山看只尺，臺閣坐清幽。
落日輕寒起，開樽典鷓裘。

渡江

南北奔馳久，心驚九月秋。
重雲遲曉日，一

帶下中流紅蓼汀，洲蒲青杉野寺幽。
今宵何處宿，有夢繞江頭。

次韻荅鍾孚齋表兄因以奉招

棲遲歲月在林泉，偃蹇功名惜壯年。
寒菊滿開誰為賞，殘編倦掩自無言。
何時赴關堪陳策，此日期君共講玄。
掃逕逢迎心最喜，長松雙鵲噪門前。

夜坐懷白下諸同志用前韻

相逢應不似潮泉，相別淒其苦夜年。
愛菊

陶潛非我志傷秋宋玉共誰言清風淅淅
敲脩竹明月娟娟照上玄此際小園嘆幽
獨封書欲寄到君前

寫懷再用前韻

壯懷漫自撫龍泉回首西風又一年曲折
不論塵世事琢磨須契聖賢言卷舒萬古
綱常道脩治千金上下玄出處順時男子
志閒馮詩酒水山前

中都寫懷用杜集思家步月清宵玄

句為韻

光陰驚倏忽冬日此羈縻晚眺山城上孤
雲繫遠思

湖水無天靜溪山帶郭斜東南烟樹渺何
處是吾家

夕陽西下時偶出東郊步孤鴈落平沙慈
鳥啼古樹

深院動閒愁寒風吹短髮誰家砧杵聲故
故敲明月

竹裏風聲細庭前夜氣清徘徊渾不寐無限故鄉情

山堂縣短榻玉漏度殘宵獨聽蛩聲坐寒燈對寂寥

終夜不成眠歸心應是急已忘霜露寒惟解階除立

望

皇陵

陵寢山川勝

先皇業有年千林叢菁那

萬馬勢參天望裏朱門迥空中王氣連

野人幸遭際瞻仰一忻然

月夜枕上憶白下遊山之樂

孤館無人語間窓有月來寂寥更漏未迢迢角聲衰憶昔城南樂高秋桂正開此時千里夢遶遍越王臺

館中對菊

何事虛重九遲開十月花踈枝便雨露晚節傲霜華傍酒香浮滿凌冬色愈嘉獨懷

三徑趨歸興已無涯

夢中作

雲深山路僻有客屬閒身危坐松邊石天
風吹角巾

冬雨有懷

惜別江頭酒一卮白蘋紅蓼莫秋時如今
兩地書難致靈雨連宵漏更遲撥盡寒爐
渾不寐嗟成短句寄相思曉來獨對闌窓
坐驚見梅花發故枝

汝建久客中都未歸詩以憶之

憶弟忽深冬驚寒苦朔風河水冰羈渡舸山
路緩行驄此際睽違念何時笑語同看雲
眠石閣惆悵思無窮

再過清流鋪

半載三經過今來冬莫時年華若流水世
路苦多岐羸馬嶮山怯重裘落日宜白雲
回首處無限北堂思

中都夜坐次壁間韻

通旅莫冬時淹留綠底事間別繁上燈漫
看壁間字夜半客愁添鍾鳴山外寺

汝建偕諸友遊龍興寺予以病不果
行

初秋載酒幾同遊此日同遊願莫酬勝槩
於君從眺賞間方惟我自炮脩寒爐擁膝
鄉思劇高閣呼盧野興優肯惜空庭多寂
寞為歡落日尚淹留

雪晴憶汝建東歸

莫雪初晴返照紅一鞭行色得冲融計程
擬宿查家渡明日應過泗水東迢遞喜看
鄉國近平安知慰北堂中幾回徙倚閒庭
外孤鴈飛鳴逐晚風

哭胡外舅玉林歸窆

憶昔文章重士林愛從泉石樂天真滿耽
詩酒情何洽忽夢華胥事已塵侍疾遺言
追往歲蓋棺歸窆又經春一杯泣酌新封
草落日啼猿共愴神

雪獅驚馬

積雪為獅巧藉形紫駟何事浪為驚
須知日出消融盡鼓鬣春風自在行

新春十日夜坐有懷用韻

朔風江上送歸舡忽爾經旬又隔年
璧月冷侵簾戶外金爐香散石屏前
人逢佳節意應好酒馮芳樽誰共傳
獨坐此時增感慨相思千里寸心懸

南園槿徑

挿槿編籬野圃中周遭徑路曲須通
春風新葉枝枝綠夏日繁華面面紅
遊客酒酣迷出入行歌聲遞互西東
投閒我欲頻來此莫遣荒蕪稚子工

文峰約自泗回相過連日不至有懷

曉起望君日又晡簷前風軟鵲喧呼
笑談樽酒應留泗彷彿舟航已渡盱
花逕謾教行獨鶴蓬門久未接鴻儒
逢迎不至虛陳榻遙憶長途每自餘

文峰旣以便道竟歸走筆戲簡
連朝掃徑接相知何事長途車馬遲傾倒
情懷期共榻登臨臺榭擬聯詩誰家有分
樽前客獨坐無緣燈下碁良會已辜須更
約肯遺短劄慰吾思

馮揮使竹軒督運北上雨中見過

畫舸聯檣一望開元戎此去展雄才暫麾
小隊衝泥過忽逐高車帶雨來石逕旋除
無舊蘚荒村聊慰有新醅相逢未忍輕相

別尺素頻題鴈足回

歸遊西園

曉發古棠邑歸來正及春欲開花有待初
熟酒應醇雲日簾櫳靜笙歌格調新百年
好光景隨遇樂吾真

山莊雜興三首

晝靜人踪絕春歸節序忙桑空蚕事了雨
足稻苗長綠水臨幽戶青山過短牆堦除
鳴獨鶴振羽欲翱翔

塵世事何冗村居地自偏
虛簷低映竹小沼曲通泉
靜裏聽啼鳥閒中看插田
時來對樽酒歌酌儘悠然
角巾兼野服朝夕獨徘徊
幾樹梅將熟一池蓮欲開
邊城無警報林壑有高懷
落日牛羊下童歌亦快哉

梧月柳風堂成

背郭山莊枕碧流道人新築小堂幽
柳梧院落塵不到風月襟懷天自游
晝靜鳥聲

簾外度夜深花影檻前浮
村翁亦有清狂興樽酒時來共勸酬

南園客至次汝建韻

幽居尋樂見天真清世偷閒寄此身
稚子烹茶知待客山禽坐樹不驚人
時臨水檻堪垂釣淨掃茅簷迥絕塵
梧柳陰中開小酌蒲懷風月自生春

過烏石寺次汝建韻

烏石西山寺驅車偶一行
門閒無客過犬

吠有僧迎朱檻野花發翠微
僊樂鳴清幽
因坐久新月到簷楹

南園觀蓮

為卜幽深築小堂
蒲栽荷葉出方塘
碧圓露蘸亭亭直
紅藕風傳細細香
性自污泥原不染
根從下井舊來長
輕盈瀟洒應無比
漫自凭闌憶六郎

西園書事用徐半谿韻

梧竹陰森一徑深
每携枕簟晝來臨
間看

野鶴凌霄志靜愛葵花向日心
濯水池邊涵瘦影
鳴琴石上奏餘音
如今擺脫無塵慮
到處逍遙披葛襟

再用前韻奉招半谿

歸來頃覺別愁深
何事高人久不臨
新酒對花堪發興
香奩坐月好談心
莫停車蓋唵楓葉為倚池
山望使音每到黃昏倍惆悵
堦前風露冷衣襟

望半谿不至雨中撥悶倒疊前韻

連朝準擬共開襟何事淹遲百里音四野
同雲施沛雨中秋期月快遊心闌干盡日
凭顛望車馬衝泥怯未臨不是文侯盟約
爽自緣宋玉本愁深

十四夜與半溪小酌再疊前韻

盞內浮光照素襟庭前踈竹戛清音起人
弄月吟風興酬我親賢樂道心撫景方池
纓可濯尋香曲洞醉還臨中秋明夜懽應
盡更許詩狂酒量深

中秋同半谿雙谿孚齋暨楨菴諸兄
弟賞月以平分秋色一輪滿分韻得
秋字

蓬門乘上客蔬酌賞中秋桂吐香堪挹杯
浮光欲流惟知充酒量那復數更籌談笑
歡應劇題詩紀勝遊

與半谿言別

半谿適淮余亦去崇

高人一命駕陋室頓生光把酒懽情洽論
文道趣長崇城何事迫淮楚去舟忙惆悵

今宵月相看各異方

丁未旱湖莊有收晚過田丁具酌話
中不覺爛醉

落日西風送晚涼有興深入水雲鄉農夫
試說田中徧庖婦忽然厨下忙菰米蓮房
秋正熟菜羹野鴨味偏長年荒賴此寬懷
抱爛醉茅齋濁酒觴

宿水雲亭書感

亭迺王林翁作

醉卧方亭更已深年來偶爾一登臨藤蘿

今宵月湖水溪雲故老心思遍往時
同樂事聽殘四壁亂蛩音呼童煮茗天將
白狼籍酒痕猶滿襟

九日同嘉興張貞峰酌次汝建韻

斯文雅集坐茅堂嘯傲重陽酒一觴人得
清時須縱樂菊知閨月故含芳池山有景
供唵興懷抱無憂入醉鄉海內交游即兄
弟相逢何必嘆殊方

張貞峰張願恬汝建夜集分韻得斂

字

雅集西園夜已深東南二美吾真忝
席移露酌興轉豪座對秋空雲盡斂
琥珀光浮月下杯木樨香度風前檻
醉來分韻報詩成錦軸霜毫隨手染

汝建邀飲南園以菊花須插蒲頭歸

分韻

清秋載酒過南園石徑迢迢槐柳夾
闌干馥郁野芳鮮壺觴傾倒懽情洽
淵明此際

樂天真阮籍從來踈禮法日莫相携
爛醉回笑把黃花蒲頭插

題貞峰隨處結廬卷

風流西澗士四海重交游行李餘詩
卷情懷贍酒甌扁舟五湖月匹馬萬
山秋我獨相逢晚慇懃下榻留

寄嚴松岡失遊冶山之約

與君相約冶山遊愧我渝盟倏莫秋
一徑霜花開復落滿階風葉散還收
登臨不盡

長天興悵望遙添此日愁
叔度久踈生鄙
吝停雲無那獨凭樓

遊南園

高秋風日依依景背郭
園林事事幽茅屋
半臨流水上石橋斜跨
小溪頭坐傾綠酒
舒佳興笑折黃花豁醉
眸欲遠塵寰尋樂
處應知此地可淹留

過高沙登文游臺訪朱羽士不遇

登登疊石高臺上望望重
湖碧水平塗賞

于今成勝槩交游當日擅
文名朱闌畫柱
庭階靜雲影天光眼界清
客子倚松空好
興吸川無外似長鯨

同雙溪楨菴登耿侯廟平湖樓

突兀湖心百尺樓
高人于此一停舟
攀緣縱目青霄近
迢遞連天碧水浮
把盞謾傾
菴店酒倚闌時對
鷗汀鷗年來賸有
登臨癖到處相携汗漫遊

練谿小集卷之一

練谿小集卷之二

漫藁

三阿陳師儉伯華著

寄文峰湖西別業

遙憶美人尋樂處應知背郭草堂偏青春
湖上看山水白晝窓前對聖賢浪煖禹門
從鯉躍風和喬木任鶯遷舞雩有興借曾
點悵望東南各一天

曉出高橋門

有輿侵曉發迢迢出都城
桃柳輸春媚雲霞帶日明
溪迴山漸轉石險路難行
性僻耽幽賞携壺此日情

登茅山

扶挾茅峰上飄然思欲翔
往來人蟻簇盤曲路羊腸
香信傳千古山靈鎮一方
我來時展拜雲霧鬱禎祥

歸賞牡丹雨阻

南國春將盡東風雨不晴
漫漫千里暗故

故四簷鳴人靜江舟艤雲低
野樹橫好花開已過負却賞花情

張立甫邀賞白芍藥事不果赴次韻

以荅

傍檻玳筵開竒香入座來訝看
霜傳臉信是玉為胎素質同
懽賞紅粧汎侑杯諸君相倡和
何事未追陪

八月十日喜夏有竹至詩以留之

骨瘦伶仃食始添晝眠聞鵲意
忻然徑因

君至忙呼掃榻為人稀
久自縣握手細談
連月病悵懷多恨
各方天一尊強共中秋
夜不負清光此度圓

病起縱步西園

病起過西園行行愛地偏
僊禽迎即舞林
木落無邊詩社疎
朋友愁懷祇自憐
小堂時獨坐深愧子春賢

開居以孟浩然多病故人疎為韻簡
雙谿

功名傷僊蹇歲月愧蹉跎
獨坐垂簾下閒
愁倍昔多

山徑青蘚封山堂白日靜
局面久生塵年
來常是病

無事日偏長小樓時獨顧
東家呼侍僮掃
徑迎親故

詩成間刻竹日莫更傷神
擡頭見征鴈低
頭思故人

人情多變態習靜愛閒居
自分成迂懶窮

冬客過疎

贈別南江

淮南郡邑棠多士海內文章君大才疎濶
每憐經月病交游深愧數年來陽關忽漫
歌三疊祖席殷勤酒一杯此去相思應有
約明秋同醉桂花開

邀飲立甫不至復以詩來席上次韻

荅之

蓬門忽報貽佳句騷客傳吟羨錦袍連數

觥籌虛左席頻將書刺運霜毛遊情準擬
同行樂僻性何如自養高
清世吾人惟兩事也知詩酒是英豪

養菊值旱

東籬養菊苗種自清明節入夏苦不雨亢
陽倍生熱有虫名為虎侵曉恣其劣有虫
類非蠶吐絲何專孽嘆爾遭此旱灌水渠
常決九秋花發時信是霜中傑霜重虫已
死晚香長不輟

汝建過西園有詩次韻

中歲身愈懶日高三丈眠交游無俗客倡
和有新篇竹裏飛茶篆崖前落布泉好懷
忘晝未過雨更花妍對酌樽頻倒行歌袂
與連園林喜成趣秉燭未言還

邀客南園納涼遇雨

柳梧深處集佳賓南北窓虛涼氣生對酒
雅歌情浹洽圍碁斝戰子縱橫八溝往事
何人繼此際新詩又雨成醉上銀鞍天已

莫不知歸路薄難行

又次汝建韻

小堂幽背郭迢遞納涼來碧水方池靜清
風短牖開雷聲喧渤海雲色暗陽臺一雨
如傾後炎蒸安在哉

夜酌以坐久月從花上來分韻

高臺曲磴石參差高人結伴頻相過花前
醕酌看月生情洽留連深夜坐踈簾落落
景悠悠對景成詩分韻和玉漏銅壺總不

知竹牀藤枕渾忘卧

晚過頤恬露酌待月得何字

溽暑蒸三伏乘涼此一過傳杯坐久已問
月來遲何曠野水雲淨長空星斗多夜深
舒悵望亭亭上碧柯

暑夜

不寐熱如黥行行夜已分傍墻愁毒蝎揮
扇苦多蚊月榭月斂跡風臺風不聞 宮
恩拜何日玉井 賜涼冰

待月分韻後頤恬苦熱不出越四日
雨霽詩來仍用秋字戲荅

草閣初晴五月秋林塘一洗更清幽榴花
密間葵花發山水時通澗水流暑謝不須
仍懶計涼生正好與詩謀西原此景君家
占許我重來續舊遊

精舍

石徑松屏轉處深牙籤竹几小窓清終宵
獨立塔前鶴解聽伊吾讀易聲

山房

隙地為軒只數楹
窓當怪石列如屏
曉來雨過焚香坐
到眼睛嵐分外青

池上

綠陰滿徑水平池
水上風來面上吹
溽暑似醉人似醉
池邊是我獨醒時

同立甫汝達過楚源叔父限韻

六月膏腴熟稻梁
雲莊風景勝他邦
携琴結伴乘高興
下榻論心坐北窓
晝永金爐

消艾納情深玉液
螯鬯缸清風滿地
出門去野寺昏鍾隔
水撞

秋日悼故友嚴宗元

去年此際聞君訃
今歲驚秋憶社盟
別業空齋閒月夜
野田新塚有江聲
庭幃時動延陵嘆
鄉井徒傷伯道情
南望倚樓三感慨
西風吹涕一悲鳴

張秀才時望過南園讀書

背郭山堂本寂寥
逢迎文旆旋誅茅
驂

忽向花邊立
茶臼時聞竹裏敲
良夜風清
鳴獨鶴深潭
春暖起潛蛟
溪橋門外長安
路願得相如一品朝

七月十三夜雨

月餘不雨人皆憂
旱是夜鳴雨長
雷相繼不絕枕
上聊述短句

連日農家傷久旱
中宵心喜夢初驚
長雷
映電聲相繼
大雨翻天勢若傾
隴畝舊苗
隨意長江淮
新水逐潮生
無私造物何人

頌歎枕題詩述我情

盟社

林壑新涼送早秋
草堂開處最深幽
交游
擬結盟心社
汗漫不為遺世儔
隨柳傍花
真逸興
嗟風弄月是嘉謀
人生百歲須當
惜日日傾樽
好勸酬

又

小圃新秋日
高人結社來
夙懷成雅集
清
興倒深杯
綠竹林中滿
白蓮池上開
遷延

憑石閣遙通望金臺

南園引水流觴

門外長楊古岸迴山童曲曲引泉來苔磯
列坐酬歌詠竹索隨流送酒杯野鳥沙頭
渾共狎池魚水底漫相猜氣清天朗吾人
樂興感當年逸少懷

白下同文峰雨花臺晚眺次韻

飲餘同上雨花臺執手追陪笑口開遠水
接天隨樹繞亂山橫翠跨城來涼風短髮

珠林外落日輕輿石磴隈勝槩難逢知不
偶題詩應許發高才

下第次文峰韻

桂子西風客裏秋空堂寂寞正堪憂有懷
欲抗匡衡疏失意深慙季子裘世事未應
虛歲月丈夫安肯為身謀明朝歸路滄江
上一束琴書一小舟

種樹四首

四十年来始覺差却將城市土栽花如今

洗去培桃李餽食貧人幾樹遮
板築園園種木奴濟荒千樹愧東吳春來
好雨枝枝發開過花時綴綠珠
梅樹沿階植兩行白開紅放吐幽香枝頭
待得青酸熟調鼎應教入廟廊
清世山林寄此身連朝種粟決渠頻會看
來歲霜苞熟錦里先生未是貧

蓬箔

蓬箔有良工莖莖訝許同重陰花上下清

夜月玲瓏戶外紅塵隔簷前翠羽叢春來
還盡捲巢燕任教通

九日同諸社友登覆釜山得逢字

九日登高約諸君載酒從樵歌停去轡磴
蘚策新筇席藉松間石屏圍山外峰佳辰
應劇飲樂事信難逢

詠菊次韻

獨倚東籬壓衆芳相看醉詠玉樽傍亭亭
霜下參差發冉冉風前遠近香開口笑將

頭上挿登高擬泛酒中嘗應憐晚節堅秋
日何羨春花滿洛陽

九月望日酌候雙谿不至以有約不
來過夜半分韻得約字

結伴停雲馮石閣隔籬正吐芙蓉萼長松
門外鳴雙鵲前溪水寒無魚躍向晚斜陽
映簾箔改席臨風坐林壑橘綠橙黃時聚
樂佳人何事孤夙約昏鐘撞徹復聞柝深
夜徘徊罷杯酌漫敲棋子燈花落

彭氏園樓

別墅有層樓因人成勝槩風輕髮髮踈月
滿心神快細柳舞纖腰嬌花逞竒態蕊慙
語主人好景能長在

初冬

歲華忽遷變月建亥為陽池水曉微凍霜
花晚更香低簷經日短寒漏逐更長此際
耽遊興從教秉燭狂

張泝溪春宴

東風簾幕燕初飛
虛敞華堂春正遲
蒲座喧譁歡欲罄
巨觥交錯醉何辭
門前流水晴拖練
檻外竒花煖着脂
自分踈狂君獨愛
淹留清景日沉時

遊江東門徐氏園

門外通潮水
墻頭出錦花
雕闌綠徑曲
盡閣枕山斜
塵世神僊境
雲林傲吏家
主人能好客
稚子數烹茶

午日觀遊河

畫船遊午日
綵幔結如雲
簫鼓中流震
笙歌到處聞
榴花綴青髮
蒲酒送紅裙
挈榼誰家子
西疇慰苦勤

過尖山

遠行鞍馬倦
近聽縹車鳴
門徑仍槐柳
逢人不識名

喜雨

雨來適夏至
風起蒲山樓
片片花間落
潺潺水自流
為農蘇久困
與客洗新愁
蒲爽

驅炎吏陂塘疑是秋

早秋

倏驚素節火西流昨夜新涼到石樓
林木風高踈葉下芰荷露冷小池幽
飛飛燕子應知候嚶嚶蟬聲故報秋
一點青山天外見凭闌却起宋君愁

七夕

萬里晴空雲盡收西風織月稱清秋
人間良夜乞新巧天上佳期解舊愁
橋渡浪疑烏鵲羽河流虛說木蘭舟
古今誰解知端的歲歲詩人費運籌

曉晴

涼颺起愁思
灑雨每深更
一夜雲收翳
三竿日弄晴
花間蝶相逐
林外鳥交鳴
獨對西園景
凭闌無限情

山莊漫興次厲鳳巖韻

翠竹藏深徑
青山帶小堂
幽棲客過少
靜坐日偏長
野水鳴溪澗
晴雲覆院墻
興來

時獨酌詩酒發清狂

雨中有懷

雨中秋漸老
夜夜雜塗蛩
楓葉胭脂濕
苔階翡翠重
計程應滯客
收稻頗妨農
悵望天開霽
登高興已濃

九日鶴懷用杜韻

時汝建久客正陽

虛度重陽節
長憐行路艱
雲看千里思
夢入八公山
醜酒杯浮綠
多愁鬢欲斑
况逢連日雨
獨倚小樓間

登高再用前韻

佳節雨初霽
行行步履艱
挿萸當此日
載酒強登山
風草沾泥亂
霜花滿目斑
珠林逢老衲
清話得偷閒

聞虜退

八月風高馬壯時
邊城消息撼京師
犬戎訝說先聲烈
虎將驚傳奏捷奇
自愧江湖懸補報
每懷廊廟動憂思
聖明又見來千羽
海宇從今得漸熙

陶大尹安亭起復赴部雪中有懷
新秋送別記臨岐倏忽隆冬積雪時塞北
喜傳烽火息淮南遙望鴈書遲高車駟馬
稱君意易水燕山重我思獨擁寒爐坐深
夜梅花窓下漫裁詩

雪中次韻

圍爐垂箔坐蒲團六出飛飛又一年凍樹
有花堪作玉山居無路可通塵浪誇孟浩
騎驢興應羨袁安閉戶眠江上老翁忘世

慮長竿簑笠釣孤舩

賞牡丹得香字

曉起邀賓宴小堂捲簾虛敞對花王芳春
雨後繁葩發古砌年深直榦長日映闌干
霞散彩風回院落錦生香諸君歲歲期相
賞莫厭頻來對舉觴

半谿遠寄詩翁次韻有懷

記得中秋共舉觴柳風梧月夜清涼情懷
惆悵三年別吳楚逶迤千里長拜賜仁風

輕六角捧瑩佳句擬初唐相逢猶未知何

日想像中阿入渺茫

中阿半谿堂名

六合道中別陳進士秦淙

相與棠城別匆匆兩路分扁舟淮水月匹
馬楚天雲羗笛前村莫僧鍾隔岸聞到家
清夜求剪燭靜思君

秦淙又寓高沙雨夜有懷

惆悵憶分手江城正莫秋入冬嫌未夜聽
雨起新愁檻竹聲仍聒窓梅香更浮擁衾

時一寐飛夢到秦郵

壬子元夜

茲歲元宵節風光勝往時春紗試金剪火
樹散瓊枝鰲駕千重麗河開九曲竒笙歌
雜街市曲曲太平辭

遷葬祖考妣于三山

卜兆三山裏重封一塚新地呈迴合水天
應來鍾春短碣心千古長思淚滿巾觸松
應有鹿祭掃敢辭頻

雄雞哺雛

壬子春予家出雞雛十八雄雞亦
引而育之無異鳴雞詩以識其仁
也

德應兼五善恩復庇群兒啄食頻聲喚護
寒雙翼聳天真原有屬物性豈無知哺犬
曾聞異慚予事亦奇

久客未寧僧舍雨中寫懷

幽棲山寺久寂寞雨風頻燕掠江頭水花
飛客裏春松杉臺映閣鍾鼓莫還晨獨倚
舒長望雲橫北岸濱

同楨菴北上言別雙谿

蝸角名相絆陽關曲忍聞鳥嚶隋岸柳鴈
去楚天雲此日頻傾酒何時細論文故園
無限意青眼獨期君

別孚齋文峰二難

臨岐執手重咨嗟此別應知去路賒野市
浮烟春樹渺故園回首莫雲遮月明銀漢

懷詩社日煖金門醉物華得意歸來酬夙
昔清樽傾倒對荆花

寄別半谿

苦憶長興白首翁秋江別去又春風遨遊
僊侶西湖上嘯傲閒身大塊中滿目浮雲
千里隔故鄉何日一樽同離情此後知多
少獨立燕山望過鴻

馮毅翁同乃郎探舍弟因過西園留
叙二首

有興乘野興小圃一留延下榻慙賓主開
樽對聖賢歸休得真樂矍鑠羨長年盡日
聞高論塵心頓豁然

淮泗青春客儒林獨擅名過庭應有訓指
日擬登瀛不憚溪山路遙憐骨肉情相逢
真意氣樽酒話深更

臨花閣成次孚齋韻

倚山新閣俯亭軒簷外群花繞石闌日日
開尊坐高處千紅萬紫四時觀

春日小集次南江韻

掃徑迎佳客，開軒對小山。
桃花春氣暖，林竹晝陰閒。
句得推敲處，杯傾談笑間。
不嫌供奉薄，盡興莫言還。

喜雨

清曉夢初回，雷聲送雨來。
田園萬物潤，懷抱一時開。
新水池魚躍，長風石燕飛。
久無詩酒興，今得黑雲催。

雨中孚齋有期賞牡丹之作次韻

連朝靈雨有時晴，萬蓋千葩錦繡明。
國色信傳姚魏種，天香本自洛陽城。
雲開檻砌應添景，春滿園林好放情。
日暖風和期共賞，鶯聲尊畔雜歌聲。

築榭

築榭舒長望，凭闌逸興飛。
遠山青欲削，高柳綠初肥。
簑笠耕春雨，柴荆對夕暉。
登臨每移日，有月更遲歸。

種竹

江南數竿竹信宿雨中移
瀟洒庭相傍樓鳴鳳可期
應同松栢操未與蝶蜂知
窓影搖明月高人夜坐時

樹上書事

樹上閒凭久煩心已自涼
虛窓無俗事新扁有佳章
日落溪雲起風來麴麥香
太平真景象四顧盡農桑

雨中遣興

積雨山村五月秋長苗肥
綠遍田疇連朝野老談豐
歲信宿漁人泛小舟新水
一溪魚易買香醅滿甕秫
多收人生出處應知命且
着荷衣與鹿遊

道中寫懷

連日城中酒侶羈出城又是日
沉時行行歸路醒方解去去
薰風面上吹綠遍郊原禾黍
足香來池沼藕花歆頻年饑
饉今初稔安得東南息鼓鼙

雨後道中

崎嶇道路雨初晴羸馬衝泥止復行隔岸
漁翁真是樂茫茫烟水棹歌聲

竹枝詞 傷田家

山田湖田實可傷蝗旱三年又水荒往日
避蝗今避水携兒挈女兩頭忙

荅厲鶴江次韻

別來愁與病交侵棋不開枰酒不斟花發
每孤同樂事月明遙憶共談心停雲漠漠
無鴻度對景嚶嚶有鳥唵準擬桂花香吐

日西園掃徑候登臨

同孚齋願恬輦醞飲西園用前韻

背郭衙門塵不侵一樽新酒對花斟追陪
暫醉雲林景談笑相忘賓主心水蒲方池
從鯉躍風來高柳動蟬唵長天不盡清狂
興秉燭山亭處處臨

是晚楚源叔繼出一尊盡醉賦此

四十年過無所聞功名得意幾何人山林
且對山花笑玉甕分來玉壺新大杜小杜

詩成癖東阮西阮情俱真也知義重有此
樂日日相過不厭頻

夜集得上字

晚來改席臨池上池水池山正相向新月
娟娟峰影重清風習習波光漾佳人對景
觸嗟懷良夜交歡充酒量行樂人生湏及
時休悲白髮三千丈

孚齋初度乃即試周詩以賀之

華堂開綺席秋日好風光父子同初度親

朋共舉觴試周徵遠大封誥待褒揚家

塾詩書舊知君有義方

又代作

去年華誕充閭慶今日長庚示晬秋從此
阿兕同阿父年年海屋一添籌

修葺南園

時經霖潦後垣堵半存淪稚子窺桃栗園
丁插棘榛膏腴香稻熟幽僻野禽馴我欲
頻來此鳩工更一新

新春三日雪中寫懷

除夕蕭條過新春
雨雪仍聞居如客
子靜坐似禪僧
梅勒將舒萼
魚沉復合冰
山陰欲命棹
獨夜興難乘

霽步西園

成趣偶來步新晴
引興長風輕墮松
雪日煖吐梅香
低岸平春水
閒雲度石塘
主人已成癖
萬慮此中忘

謝願恬送李樹

惠分小圃樹脩然
夏宴冰盤碧實鮮
却笑安豐當日事
于今猶自愧君賢

道中風雨感懷

東風釀雨重餘寒
誰惜今朝行路難
碌碌半生緣底事
幾回翹望五雲端

水亭即事

園林春雨後景駐
水邊堂松竹青交翠
山花紅間黃小橋通
斷岸亂石繞迴塘
樂意同魚鳥幽偏白
日長

元夕風雨孚齋携酌觀燈

雅集東南美佳時興起隆松醪浮瑛綠蠟
炬照筵紅散帙通宵樂傳柑四海同簾櫳
深閉處不問雨兼風

次夜次孚齋韻

共賞佳時宴小堂瓶花火樹散枝長陶情
倡和詩盈卷對景風流酒滿觴漫看鰲山
工藝巧却如塵世利名忙終朝縱飲過宵
半一月應添十五場

席上次張少府松澗韻

陶令歸來尋舊盟風檣宦海落危篷也知
傾倒情懷好最是交游意氣同洗盞更斟
新酒綠捲簾還趁夕陽紅芳春日日拚沉
醉長嘯門前五柳風

賞牡丹得紅字

幾叢木芍藥姚魏種應同新葉高還下蕃
葩紫映紅芬芳開霽景爛熳醉春工日日
臨軒賞樽中酒不空

告歸寫懷

抱病承恩得暫回
柴桑有徑喜重開
逢迎故舊烹山茗
揀搭醫方坐石苔
花外詩成黃鳥和
水邊機息白鷗來
時登小閣瞻西北
五色雲深護上台

喜雨分得花字

知時霖雨脚如麻
連日歡聲動萬家
山澗漫漫翻急浪
池塘閣閣鬧群蛙
平鋪翡翠庭前蘚
冷潤胭脂葉底花
對景可期豐稔

燕開樽談笑興無涯

文峰伯仲雨中枉過西園留同諸會友夜酌

花徑沾衣濕山堂秉燭迎
秋宵嫌未來風雨坐來晴
盆植荷尚碧杯傾竹葉清
罰依金谷數喧笑報詩成

次詠松竹梅韻三首

鬱鬱長松秀嶺巔
根深枝茂叅青天
絲蘿夜半澁甘露
茯苓澗底滋清泉
歲莫亭亭

持勁節春風靄靄含輕烟四時殊不改顏
色斯立嗟哦思灑然

自古高人重此君良宵風月影森森軒窓
獨羨爾醫俗城市那知土若金遣興題詩
鐫碧玉避炎席地護清陰角巾野服頻來
往賸得歸閒樂道心

移得羅浮一種芳操同松竹帶冰霜間窓
月轉橫斜影曲檻風來遠近香憶昔事傳
何遜句如今人學壽陽粧年年獨先諸花

發不向春深鬪艷忙

徐曉村文峰諸君子西園讌集喜晴
積雨春過半朝來喜放晴暖風梅萼吐新
水石池平拍板雙飛蝶調歌百轉鶯小園
饒物色莫厭酒頻傾

送曉村南郊惜別

江上春風惡途中宿雨寒驅車勞跋涉下
榻喜盤桓樽酒論交好人生見面難相逢
又相別細把柳條看

賞芍藥

芍藥碧枝長叢叢向小堂霞蒸花爛熳日
滿氣芬芳間雜真成錦氤氳暗度觴高人
評品處端不讓花王

遊南園

佳節值清和南園試一過長條垂岸柳新
葉點池荷蝶喜迎人舞禽馴對酒歌留連
沉醉後興起倍常多

寄懷華少泉諸寅丈

江南共事時江頭一別又年餘情通
如蟬須臾夢心逐鱗鴻只尺書白晝停雲
憑小閣良宵對月立間除諸君濟濟鳴珂
玉愧我踈庸迥不如

育鸞

飲啄林塘性頗馴不同群伴解人情踰蹊
青羽乘風舞燦爛丹砂向日鳴靜坐茅簷
常侍立間陰芳徑每隨行幽棲與爾知心
久惆悵雲霄萬里程

十六夜賞月

昨夜陰雲苦不收
今宵見月喜登樓
清光尚滿三千界
霽色還宜二八秋
盞內葡萄浮琥珀
盤中芋栗即珍饈
留連風景拚沉醉
不問銅壺幾報籌

遊廣濟寺

十月如春暖携樽
結伴遊長橋
凭斷岸古寺枕清流
苔蘚階除靜
松杉殿閣幽
景濃饒興趣
日暮尚遲留

送周質齋還金陵

鶴髮童顏矍鑠翁
兩年函丈仰高風
交游朋輩渾無跡
教育兒曹却有功
三唱那堪今日別
一樽重與幾時同
應知後夜相思處
江水雲山夢寐中

夜夢葉兩柱王侯
菴林容菴范介石
四同寅相集
曉起悵然有作

入冬傷別遠
飛夢到江南
同事原心膺
交歡舊笑談
窮年親藥裹
何日整朝簪
悵

望風前鴈題封足上函

賞雪

喜見豐年瑞開簾坐小堂池山渾玉琢林
木盡銀粧縱酒情懷冷烹茶趣味長閒居
有真樂且莫問行藏

甲子元旦小集

瑞雲捧日麗中天盛世重開甲子年栢葉
牀頭新釀熟梅花座上暗香傳東南傾倒
情何洽西北瞻依意獨懸懶散光陰容

易謝臨風搔首倍悠然

人日携丙十兒西園閒步

喜逢佳節引雛行徑曲林深轉翠屏對景
唵哦情晏晏臨風嘻笑語吟吟亭花亭草
含春色池水池山隱地靈世事也知難自
料且傾樽酒莫教醒

歸與二章

得賦歸與水竹之居清池脩竹啼鳥遊魚
谿上青山谿水潺湲哦古人詩優游其間

西園讌集

登臨連日興何多為惜春光半已過
獨鶴似知迎客舞幽禽如解侑觴歌
香風庭院開新釀遲日簾櫳試薄羅
談笑飲餘池上立角巾欹側醉顏酡

喜雨

曉來登榭望蓂筮動耕耘雷滿三時雨
天低萬里雲苔沉青帶潤池溢綠生紋
擬卜秋成好回家不負勤

溪水漲如海勢雨尚不絕遙憶湖莊
有作

連朝溪水漲怒激海濤聲歷夏寒猶在
翻天勢若傾應無蜀犬吠信有甕蛙鳴
迢迢湖莊上茫茫繫此情

挽張頤恬

高卧林丘五十年訃驚奄忽淚潸然
窓間宿霧封棋局堂上殘燈黯几筵
落落襟懷思對酒霏霏珠玉憶談玄
舊時遊樂經行

處風月空餘景一川

賓月樓成寄文峰

炎炎長夏火雲浮
闢地馮虛架小樓
明月一天忘畏景
清風滿座已先秋
樽中綠酒傳佳興
牆外青山送遠眸
寄語清狂知己客
相過莫惜共追遊

園池雙鴈

雙鴈南來歷九州
林塘飲啄暫淹留
馴如水鷓忘機事
靜似胎禽得趣幽
對浴頻翻鳴水翼
思群時舉入雲眸
養成健翮同風起
一日翱翔萬里秋

過楨菴山莊

岸輿侵曉到山家
槐柳陰森一徑賒
門外鳴禽先報客
竹間飛篆旋烹茶
杯盤席地雲垂幕
籬落香風菊吐花
相對勸酬拚盡醉
不妨日莫興無涯

九日同譚閩山張巽齋楨菴登覆釜

山

踈慵久乏登山興及到登山幾歲華去日
新松高翠盖來時舊路滿黃花傾尊對景
追陶令岸幘臨風憶孟嘉自古達人多樂
事行藏有定不須嗟

寄來安武湖山余珠泉因期枉過

昔年奔走過滁陽倏忽于今已六霜道義
交游情最洽壺觴傾倒興何長望迷重嶺
雲連樹夢轉中庭月滿梁雙壁擬臨春日
好雖無饌具有花香

祠堂落成歌

甲子吉兮構堂不日成兮工良奠兩宅之
中兮刊堊輝煌妥四世之靈兮俎豆馨香
儼存著於愛慈兮居歆洋洋願子孫之世
守兮歲謹蒸嘗

貞節祠歌

伯母逝兮歲遐甘苦節兮名嘉育我恩兮
恩無涯建祠兮示遠有光兮吾家光吾家
兮祠有華酌椒漿兮悲嗟

雨夜有作曉以奉招巽齋橫菴
聽雨坐深夜吟詩寄此情梅花含凍蓋林
竹送寒聲短榻侵晨掃清樽待客傾衝泥
應莫惜倒屣慰相迎

期楨菴賞雪

雨積冬初半寒凝雪更飄檢書占歲事得
說喜豐饒驢背添新興山陰快小船好來
同把酒草閣看瓊瑤

暮冬夜夢徐後溪余南浦北上過予

通刺即行覺來漫作

白下公餘日登臨興頗狂知心維二妙別
我已三霜夢轉雞聲早情馳道路長年來
慚用拙為道使君忙

次韻荅李外翰台同

紫薇深講席碧水靜蠶門清秩逾金貴常
食勝玉飧雅情惟自適高詎更誰論會赴
經筵詔方今道賴存

張大叅鄮西遠寄詩扇次韻奉荅

細研龍劑唾珠琳灑向仁風意獨深遠躍
江魚衝巨浪待遷谷鳥嘯佳音山窓剪燭
看長劍玉几生塵冷素琴廿載相思今問
訊知君庭桂已森森

春陰

雨雪相仍久春光忽半過水添磯石沒徑
積蘚苔多花鳥渾無賴情懷竟若何明當
開霽色把酒一高歌

賞薔薇

時入清和節薔薇動我吟花明幽徑遠枝
裊曲屏深味可消煩渴香能慙素襟年年
當此際莫惜酒頻斟

賞芍藥

石砌方亭外叢叢芍藥開天工敷造化僊
子出蓬萊媚色高籠幕竒香暗度杯清狂
真不厭乘興好還來

又次韻

芳名原擬並花王萬蕊千葩石檻傍喜有

蔬盤開小宴愧無音樂奏高堂樂天罷草
閒拈句西子多情巧試粧日莫洗杯更深
酌清時佳節倍徬狂

悼李副子仲華

記得當時二八齡朱顏綠髮入吾門光陰
倏忽再踰紀兒女生成已締婚粉瘦不堪
連月病香消難返一朝魂期遠白首憑誰
語勝有潸潸枕上痕

池上口占再悼仲華

池亭獨倚小胡牀池上蓮開空自香活水
流來遶池檻泠泠似為洗愁腸

吞聲無那值端陽只恐來朝心更傷

其生辰故云夜合花殘庭院冷餘香髮髻又昏

黃

送仲華歸窆用舊韻

丁卯六月八日也

悼汝生何促三旬有七春撫棺心欲碎
地酒空醇至後三庚代山頭一塚新
無緣重見面想像為傳真

南園賞蓮

不到南園久，蓮開近滿塘。
雨餘新水漲，日午好風香。
白白魚供饌，青青葉作觴。
幽偏耽樂事，何日入鷓行。

七夕雨

嘉節何多雨，閒愁起夜初。
鵲橋知在否，不牛女會何如。
乞巧盤猶在，穿針事已虛。
小窓涼不寐，剪燭看殘書。

九月一日遊松墩

預作登高會，傳呼載酒從。
徑深苔積翠，墩古檜蟠龍。
短菊臨風笑，寒泉抱日春。
對山亭子上，撫景興何濃。

對山亭書事

山障如屏列，山亭對景開。
亞簷松蓊鬱，低檻路縈迴。
侵曉雲霞冠，斜陽紫翠堆。
一塵飛不到，携酒四時來。

贈王東城建言

東城老世故，諳練得人欽。
解抱憂時念，常

懸為 國心建言嫌不避 蘓困澤應深邑
乘從今載芳名擬若金

長至小集次陳盱峯韻

暖日晴峯面小堂捲簾開酌興何長佳辰
暗應梅花曆雅集頻傾栢葉觴已覺寒威
驅黑馭即看和氣近青陽不妨深夜交歡
齋燈結繁花月滿廊

練谿小集卷之二